



**Sel Prestuhn
Henry B. Eyring**

Mwet in Kahsruh Se Met ke
Prestuhnsi Se Met

Pahng luhn God ac Ahkkweyeyucklac sin Mwet uh

In oacna mwet luhn Alu uh, wacna suliyuck kuht in ahkkweye mwet oasr kunohkohn la in kuhlwacnsap. Yac pucspucs somlah ah sie tuhlihk lutlut matwac yac 18 ahkkahlwemye nuh sihk kalmeyacn ahkkweye mwet kuhlwacnsap luhn Leum uh. Nga srwackna insewowo ke mwe srihkasrak puhsisac se lal ah.

El tuhfhahna muhtwacwacack ke yac se emet ke college. El tuh pacptaislac tiac sun yac sie met liki el som liki acn sel in muhtwacwacack lutlut lal ke sie university luhlahp. Ingoh nga tuh kuhlwacnsap oacna pisap se lal.

Ke pacl in lutlut uh muhtwacwacack ah, nga tuh oruh lohngohk fototo se nuh sel lun ohfuhs luhn pisap ah. Nga esam kuhtuh srihsrihk ke muhtwacwacackiyacn sramsram sac sahyacn el sruhmuht ke srihkasrak lal ke sie acn sasuc, tuhsruhk ngwac fah tiac muhkuhnlah sramsram se ahkluo lasr ah.

El tuh ngihstre elan sunyuc lun ohfuhs luhk ah. Nga tuh lut ke el fahk, "Kuht kuh in tuhkweni pruhe, ac nga kuh in pruhe?" Nga tuhfhahna oruh ngan fahk lah nga pruhe tari ac motko muh el oruh oacna. Sahyacna nga insese.

El muhtwacwacack pruhe lal ke fahkwack luhlahlfongi se ma el etuh lah pisap pa pahng luhn God. El siyuck sin God in fahk nuh sik lah meac fal elan oruh

ke inkacnek wo ke ohiyac luhn nguht muhtahl. Mukul fuhsr sac fahk nuh sin God lah el etuh suwohs lah pisap el etuh tari enenuh lal ac tuhfhah sang kahs in kahsruh el enenuh in lohng uh.

Ke el sramsram ah, kain ma sensen el ac sun uh tuhkuh nuh in nuhnak luhk uh. Kahs in kahsruh sac fihswacsr tuhsruhk utuckuh arulacna kahlwem: pruhe pacl nuh kwewa, ahkos masap, ac tiac sahngweng.

Mukul fuhsr sac, yac se ke Alu uh, lotwelah ke mwe srihkasrak lah meac God El kuh in oruh nuh sin mwet kol se ke el ahkkweyeyucklac ke luhlahlfongi ac pruhe luhn mwet el pahngonyuck in kol uh. Mukul fuhsr sac ahkkahlwemye nuh sihk kuh luhn masap akwucki ke Alu uh (liye D&C 26:2). Finne Leum El pahngon mwet kuhlwacnsap Lal ke fwackyuck, elos kuh in kuhlwacnsap muhkwenen elos fin ahkkweyeyucklac sin mwet ma elos pahngonyuck in kuhlwacnsapuh uh.

Ke fot in ahkkweye lasr uh, kuht orwacalah olwelah muhtahl uh. Kuht olwelah in pruhe ke mwet kuhlwacnsap luhn Leum uh ac El fah kohlohlos ac ahkkweyacos (liye D&C 93:51). Kuht eskuhtyang tuh kuht fah suk ac tuhpan in puhla mokleyuck sin God ke kahsruh lalos ac ke pacl elos orekma ke pahng lalos uh (liye D&C 1:38).

Olwelah sac fah enenuh in wacna ahksasucyeyuck lun insiyacsr. Mwet luti lowos ke Sacnri Skul fah srihke in luti ke Nguhn Muhtahl, tuhsruhk oacna ke kowos ac oruh uh, mwet luti lowos an kuh in tahfonglac ye muhtuhn kuhlals an. Kowos, ohinge, kuh in sulwacnah in porongo ac intein ke pacl kowos kuh in puhla mokleyuck tuhkuh uh. Ke pacl kowos fah akihlen puheni luhn tahfonglac ac puhseni luhn akucl lah God El ahkkweye mwet luti sacn.

Ke kuht srasra po in ahkkweyelah mwet se uh, kuht eiskuhtyang in orekma ke srihpac nuh kwewa luhn Leum ma mwet sacn pahngonyuck in orwacnah an. Ke tulihk nahtuhsr ah srihk ah, tuh pahng muhtwacn kiyuck uh in luti tuhlihki srihsrihk ke ward lasr ah. Nga tiac sralwack pouk muhkwenah in ahkkweyacllah, tuhsruhk nga pruhe pac kacl na siyuck ke lwelah ngan kahsrwel. Mwe lutlut se nga eis ke srui ke ma muhtwacn uh oruh ac ke luhngse luhn Leum nuh sin tuhlihki uh srackna ahkinsewowoye sucu luhk ac moul luhk uh.

Pacl fototo somlah ah nga sramsram nuh sin mukul fuhsr se suc ahkkweyelac pisap lal ah ke yac somlah ah. Nga elangwack lah Leum ac mwet uh tuh ahkkweyacllah ke pahng lal in oacna misineri se, oacna stek prestuhn se, ac oacna pahpah se. El fahk ke sahflahiye sramsram lasr ah, "Nga srackna pruhe keim lwen nuh kwewa."

Kuht kuh in nuhkuh in pruhe penga na lwen ke mwet suc pahng sin God in kuhlwacnsapwe kuht. Kuht kuh in fahk kuloh nuh selos suc ahkinsewowoye kuht ke kuhlwacnsap lalos. Kuht kuh in otwelah in mukwilac ke elos suc kuht ahkkweyelah uh siyuck ke kahsrh uh.¹

Elos suc tahpuhk mwet kuhlwacnsap luhn Leum ke tohkohsrahi Lal uh fah ahkkweyeyucklac ke kuh wacngihn lainyac Lal uh. Kuht nuh kwewa enenuh mwe insewowo sacn.

MWE KAHSRUH

1. Liye *Teachings of Presidents of the Church: Joseph F. Smith* (1998), 211–12 .

LUTI KE PWENG SE INGE

Tukun akacsruhi ke pweng se, motko in riti puhsra ten an: "Leum El fah orekowoslac in sie mwe orekma lun Pahol kowos fin puhsisac, kuh in luhlahlfongi,

ac moniyuhk. . . . Kowos fah eis kuh sahyac ke kowos ahkkweyeyucklac sin mwet ke alu an ac aluiyucklac" (*Teaching, No Greater Call* [1999], 20). Orwacni sucu an in raunwelah sie ma toasr an ac siyuck sie selos in srihke sruhkwack. Kais sie sang sie mwet an in wi, sulih mwet sahyac ke sucu an in kahsrh sruhki ma sacn. Sramsramkihn ma sikiyak ke mwet nuh kewa kahsrh uh. Nuhnkuh in ahkkahlwemye wo kahs in kahsrh lal Prestuhn Eyring ke ohiyacn pahlah lasr kuht kuh in ahkkweye mwet sahyac ke konohkohn lalos uh.

MWET FUHSR

Kuloh nuh sin Mwet Luti luhk ke Sacnri Skul

Tiac ahkkahlwemyeyuck ine

Kuhlals luhk ke Sacnri Skul ah tiac okak pacl nuh kwewa. Nga luhngse lohng mwe lutlut ke wik nuh kwewa, tuhsruhki kuhtuh pacl uh mwet sahyac ke kuhlals luhk ah tiacna. Elos wacna sramsram asramsrami kuh sritacluh mwe sritacl sahrom nahtuhlos uh ke pacl mwet luti lasr uh srihke in luti kuht uh. Mwe ahsor, kuhtuh pacl uh nga konweyucyak sifacna tuh nga wi elyah sac.

Sie wik ah kuht arulacna koluk ahluhkwelah, ac ke sahflahiycn kuhlals sac, mwet luti se lasr ah arulacna tuhngiyac ke srihpen wacngihn sesr porongo mwe luti lal ah. Ke kuht illac liki kuhlalsrum sac, koluklac ikok kacl.

Sacnri tohkoh ah mwet luti se lasr ah ahkuhtweyac lah el pruhe yohk ke wik sac, suk ke kolyuck, ac oacyang nuh sel lah el enenuh in oruh sie petsac mukwikwi ah ke Alu uh. El sramtweack petsac mukwikwi sac, suc ma ke moul lal Jisus Kraist ac ma usrnguck El oruh ah.

Ke nga nuhkuh ke petsac sac ke ekuh sac, sielacna puhla luhk ah. Pacl sac na nga luhmahack lah nga puhla Nguhn Muhtahl, yohk liki na nga puhlakihn met ah. Nga sa na otwelah lah nga kena ekuhllah kuhtuh ma ke moul luhk in oruh oacna Mwet Lahngo, ac nga akihlen puhlakihn luhk ke Sacnri Skul ke lwen sac ahkkweyelah yohk fahkwack luhlahlfongi luhk uh. Nga arulacna kulohkihn mwet luti luhk ke Sacnri Skul ac ke ma nuh kwewa el oruh nuh sin kuhlals lasr ke wik nuh kwewa.



Luhlalfongi, Sucu, Kahsruh

Forfor Luti—Kunohkohn Muhtahl se

Pruhe in lutlutkihn kuhfa inge, ac ke pacl fal, sramsramkihn yurin tahmtahel ma kowos muhtwacta nuh yohroh an. Orekmakihn kihsen siyuck an in kahsrvekowos ahkkweye tahmtahel wiyowos an ac in oruh Rilif Sosaiti in ip utuftuf se ke moul lowos sifacna an.

Mwet forfor luti an, oasr misin nguhnnguhn yohk srihpac se lasr in ahkfalye. “Pisap se, suc akmuhsraiyucklac in pa mwet karihngihn sip ke ward se, koflah na karihngihn nohfohn sip nuhtin Leum ke pacl sefanna. El epahl nuh sin mwet forfor luti mokleyuck uh in kahsrwel.”¹ Suk kuh eis fwackyuck sin suc srihsrngiyucki in karihngihn kais sie tahmtahel pa yohk srihpac uh.

Mokleyuck uh muhtwacwacack ke mwet luhn prestuhnsi ke Rilif Sosaiti uh pruhe in sramsramkihn enenuh luhn kais sie mwet kuh sucu an. Na, ke ahkkweyeyucklac luhn pisap, prestuhnsi ke Rilif Sosaiti an fah sang kunohkohn ke inkacnek se ma kahsruh tahmtahel an in elangwack kac lah forfor luti uh pa kunohkohn nguhnnguhn yohk srihpac se.²

Mwet forfor luti uh etwacлах ac luhngse kais sie tahmtahel ke inse pwacye, kahsrwel ahkkweye luhlalfongi lal, ac sang kahsruh ke pacl enenuh. Elos suk mokleyuck in etuh ohiyacn srokackihn nuh ke moul in nguhn ac ikoac luhn tahmtahel elos fahsri an.³

“Forfor luti uh orwacлах orekma luhn Leum ke finsrak uh ma nuh

sin mwet uh liki na pihsen mwet uh. Ke ma pwacye uh, forfor luti uh wacngihn sahflahiyac. Pa inkacnek in moul se liki na orekma se.”⁴

Ke Ma Suhmuhsлах uh

Mattu 22:36–40; Jon 13:34–35; Alma 37:6–7

Ke Sramsram Mahtuh Lasr

Eliza R. Snow, prestuhn luhlaph se ahkluo ke Rilif Sosaiti el luti, “Nga fihliyac sihk muh ohfohs luhn mwet luti se ohfohs na fuhlwact ac muhtahl se.” El sang kahs in kahsruh nuh sin mwet forfor luti “in sesseslah ke Nguhn luhn God, ke lahlmwetmwet, ke puhsisacл, ke luhngse” met liki elos muhtwacta ke lohm an elos in muh kuh in puhla na pwacye ac sun enenuh luhn moul in nguhn ac oacyacpac moul in ikoac an. El fahk, “Kowos fah puhla in fahk kahs in mihslac ac ahkmuhlalah, ac kowos fin konwacack sie tahmtahel in puhla mihsrihsr, usaclwacng nuh insiowos oacna ke kowos oruh nuh sin sie tuhlihk nuh ke monuwos ac ahkfucsfucsfryaclwack.”⁵

Ke kuht ahkwot nuh met ke luhlalfongi oacna ke Rilif Sosaiti emet

ah oruh ah, Nguhn Muhtahl fah oasr yohrohsr ac fah mokle kuht in etuh ohiyacn kahsruh nuh sin tahmtahel kuht fahsri an. “Lwelah [kuht] in suk ke lahlmwetmwet liki na kuh,” Tahmtahel Snow el fahk, “ac [kuht] fah eis kuh nuh kwewa [kuht] fah eis lahlmwetmwet in orekmakihn.”⁶

MWE KAHSRUH

1. Julie B. Beck, “Relief Society: A Sacred Work,” *Liahona*, November 2009, 114.
2. Liye *Handbook 2: Administering the Church* (2010), 9.5; 9.5.2.
3. Liye *Handbook 2*, 9.5.1.
4. Julie B. Beck, *Liahona*, November 2009, 114.
5. Eliza R. Snow, lun *Daughters in My Kingdom: The History and Work of Relief Society* (2011), 108.
6. Eliza R. Snow, lun *Daughters in My Kingdom*, 45–46.

Meac Nga Kuh In Oruh Uh?

1. Ngwac ahkwoyelah fuhkah kuhiyuck in ahkfalye kunohkohn yohk srihpac in oacna sie mwet forfor luti uh?

2. In oacna sie mwet forfor luti, ngwac kahsruh tahmtahel wiyuck sahyac an fuhkah in ahkfalye kunohkohn lalos in oacna mwet forfor luti uh?

Nuh ke kuntu pac ma in etweyuck, som nuh ke reliefsociety.lds.org.